

**DOM NARODA
PARLAMENTA FEDERACIJE BIH
SARAJEVO**

n/r Predsjedateljice Doma naroda
g-đa Lidija Bradara

VLADA FEDERACIJE BIH

n/r Premijera
g-din Fadil Novalić

**Bosna i Hercegovina
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
DOM NARODA
SARAJEVO**

Primljeno:	04-02-2016		
Org. jed.	Broj	Priloga	Vrijednost
02-02	419	14	

3x

Na osnovu člana 177. Poslovnika o radu Doma naroda Parlamenta Federacije BiH podnosim amandmane sa obrazloženjem na prijedlog Zakona o porezu na dobit u Federaciji BiH:

AMANDMAN 1.

Iza člana 35. prijedloga Zakona o porezu na dobit u Federaciji BiH a u poglavlju VII. POREZNI POTICAJI, dodati novi član 35a. koji glasi:

- (1) Obveznik koji je u godini za koju se utvrđuje porez na dobit ostvario neto izvoz do 30% od ukupno ostvarenog prihoda oslobađa se plaćanja poreza na dobit srazmjerno procentu učešća izvoza u ukupno ostvarenom prihodu.
- (2) Obveznik koji je u godini za koju se utvrđuje porez na dobit neto izvozom ostvario preko 30% od ukupno ostvarenog prihoda oslobađa se u potpunosti plaćanja poreza na dobit za tu godinu.

AMANDMAN 2.

U članu 36. prijedloga Zakona o porezu na dobit u Federaciji BiH, stav 2. i 4. se mijenjaju i glase:

- (2) Poreznom obvezniku koji izvrši investiranje u proizvodnu opremu u vrijednosti preko 50% ostvarene dobiti tekućeg poreznog perioda, umanjuje se obaveza obračunatog poreza na dobit za 50% iznosa u godini investiranja.
- (4) Poreznom obvezniku koji u periodu od 5 uzastopnih godina izvrši investiranje u ukupnom iznosu od 20 mil. KM, s tim da u prvoj godini investira 4 mil. KM, umanjuje se obaveza obračunatog poreza na dobit za 100% iznosa u godinama investiranja.

OBRAZLOŽENJE

Porezni poticaji i oslobađanja iz važećeg Zakona o porezu na dobit u Federaciji BiH su jedini efikasni benefiti koje su imali domaći i strani investitori i izvoznici, koji su praktično stimulatивно djelovali na: postojeće i nove investicije, održanje postojećeg i novog zapošljavanja, unapređenja konkurentnosti na tržištu, i sveukupni privredni rast i razvoj i kao takvi bili su prihvaćeni od poslovne zajednice, domaćih i stranih investitora i izvoznika, i na osnovu njih su pravljani dugoročni poslovni planovi.

Njihovo ukidanje, odnosno drastično smanjenje, kako se prijedlogom Zakona predviđa dovešće direktno do smanjenja izvoza, smanjenja i povlačenja domaćih i stranih investitora, smanjenja broja zaposlenih sa svim negativnim socijalnim posljedicama. Principi i uslovi djelovanja MMF-a kao važnog aktera u pripremi prijedloga ovog Zakona između ostalog podrazumijevaju i postojanje uređene, sigurne i funkcionalne političke, pravne, socijalne i privredne infrastrukture, koja u BiH još uvijek ne postoji, radi čega se izvozne i investicione aktivnosti u ovakvim okolnostima, po svaku cijenu, moraju poticati, olakšati i razvijati kao izuzetno značajan cilj svake ekonomije koja želi da bude održiva.

Umanjenja budžetskih prihoda usljed primjene važećih poreznih poticaja i oslobađanja izvoznika i investitora su minorna u odnosu na efekte koje izvoz i investicije imaju na zapošljavanje, plaćanje poreza i doprinosa, smanjenje sive ekonomije, socijalni mir i ukupni privredni rast. Osiguranje potrebnog nivoa javnih prihoda za budžet Federacije BiH i kantona koje se u obrazloženju prijedloga Zakona navodi kao glavna svrha donošenja Zakona, može se u praksi lakše i efikasnije obezbijediti provođenjem i drugih ekonomskih mjera npr. smanjenjem enormnih troškova javnog sektora, uvođenjem većih poreznih obaveza na luksuznu potrošnju, veća lična primanja i dr. a ne drastičnim ukidanjem i reduciranjem poreznih olakšica izvoznicima i investitorima. Podneseni amandmani, iako ne zadovoljavaju u potpunosti potrebe razvoja privrede, predloženi su i od strane Privredne/Gospodarske komore Federacije BiH i Privredne komore Zeničko-dobojskog kantona (čiji članovi su najveći investitori i izvoznici u BiH i čine 1/3 ukupnih privrednih aktivnosti u Federaciji BiH odnosno 1/5 u Bosni i Hercegovini), i na tragu su srednjeg rješenja, koje daje prostora kako za ubiranje javnih prihoda tako i za poticanje, očuvanje i unapređenje investicionih aktivnosti i očuvanje konkurentnosti.

Delegat
DOMA NARODA
PARLAMENTA FEDERACIJE BiH
Ornina Subošić